


孤山先生遺稿

凡鳥館集詩并文

十一

15  
1494  
11



和  
1494  
11止



孤山先生遺稿卷之十三

肥後


數慙士厚著

數將泰記輯

凡鳥館集一

五言古

五日行嶽麓。無日不望嶽。嶽面無向背。中天何濯濯。  
四時冰雪連。三峰珪璋擢。矯疑姑射仙。綽約弄姿貌。



多年勞夢寐。空傷雲路邈。連朝浴清景。誰不滌穢濁。  
半夜天雞鳴。靈曜浮海角。培塿尚昏昧。絕頂已明暎。  
乃知他山低。難與此嶽較。瞻仰不能從。躊躇歎爾阜。

七言古

鬪雞行

長安三月春欲莫。桃李繽紛花滿樹。公子王孫競鬪  
雞。縱觀如雲爭相呼。去聲朱冠綉頂一何雄。橫行直向  
百花中。已見當場分左右。更看挑戰各西東。相迎躑  
躑未輕應。憤起崢嶸勢欲陵。翻身從變巧迴避。磔毛

乘機爭飛騰。飛騰迴避鬪未闌。雙翼淋漓盡灑血。羽  
毛飄落彩霞飛。爪踞碎摧青玉折。勝敗俄分一擊中。  
逐走追奔何猛烈。向風長鳴奮餘威。觀者賞嘆且擊  
節。吁嗟鬪雞何至此。昔人已刺季郈氏。芥羽金距爭  
歿生。古往今來多若是。君不見漆園夫子達生篇。衆  
雞自走亦雞前。

詠史

七國干戈猶未闌。爭雄競長何紛裂。武安百戰威諸  
侯。穰侯亦是人中傑。其餘英豪皆奮呼。連衡合從各

馳驅金印紫綬終何益。一身多爲功名□。君不見東海唯有魯連子。千載猶稱天下士。

山陽烈士歌送村子漸赴仕作藩

癸惑守斗光如晁。元亨

天子跣下殿。何物羯奴羶達天。遠劫仙蹕向北邊。勤王諸軍不敢至。天下無復魯仲連。山陽烈士鐵石腸。虎鬚蝟毛悉怒張。散財破家不顧身。募得敢死一百人。如何人事違天時。神策鬼謀出數奇。板嶺掩置兔已脫。舟山設穿虎先知。事去謀乖衆竄匿。單身潛詣

行宮側。微風難負青天羽。空獻隱語鑄傍樹。從是

君王安姜里。百荼反將甘薺視。須臾大風拂妖塵。忽見

乾坤屬再新。誰道魯戈回天日。始知蒼宇哭鬼神。君亦慷慨悲歌士。十年飄泊離桑梓。爰居空駭黃鍾音。越客何知章甫美。幾觸龍鱗舌纔存。久卧牛衣心未灰。一朝釋褐就藩都。國士恩寵誰得如。我今贈別無白璧。瑣瑣陳言何足繹。請見山陽烈士栢。霜皮雪幹幾千尺。

平安客舍歌

有舌無佩六國印。有鈇無彈孟嘗門。七尺之軀何無能。奔走三年離故園。平安客舍如黃犢。四壁空立頭支屋。出戶輒被兒輩嘲。甘心我本非魚服。唯有牀頭一壺酒。釜甑十日不炊穀。

五言律

七夕諸君載酒過子羽邸舍得雲字

高館收徂暑。遙空卷片雲。旅懷慵獨酌。清夜偶尋君。坐久銀河轉。杯乾玉漏分。異鄉成勝會。不必怨離羣。

梅兒塚

王孫終不返。遺蹟大江頭。柳認當年態。草傷昔日遊。荒陵尋古塚。薄暮下扁舟。往事誰能辨。君其問白鷗。

同諸君集少林院得八庚

十里南郊路。盤桓入化城。飲同彭澤態。詩比惠休名。異樹聽幽鳥。黃花餐落英。空庭人不掃。只見碧雲生。

寄友人

一別三千里。悠悠滄海東。君唯甘短褐。我尚逐飄蓬。尺素情難寫。遙途夢屢空。不知林下飲。誰與故人同。將西歸。同諸子游少林精舍。

徑從雙澗轉。寺傍少林幽。爲愛閒中趣。聊隨物外遊。  
泉聲經雨急。竹翠帶烟浮。莫怪留連久。談詩對惠休。

其二

紺園收雨色。多暇此相求。丘壑心愈遠。琴書興更幽。  
松陰含晚翠。竹外引清流。世事何須問。吾生也若浮。

江都與赤國鸞歡一歲。交情殊密。今年國鸞

歸藩。余亦將游洛。以同日發郵。不能相送。賦

此述情。

一見如膠漆。何論故與新。唯緣相識晚。轉覺別情頻。

君返裁鄉錦。吾游逐洛塵。路岐臨不得。空望淚沾巾。

舞鶴篇。壽某翁六十

不引風塵色。踟躕振縞衣。池邊隨夜月。洞外向朝陽。  
立處疑雲起。翔時似雪飛。雙雙仙舞罷。閑睡伴□幃。

游龍眠菴圍碁

蒼茫秋雨裏。蕭院到人稀。樹果時時墜。山雲處處飛。  
泉聲堪洗耳。竹翠欲沾衣。不用談玄理。敲碁□夕暉。

宿安禪院

信宿峯頭寺。超然出世氛。禪扉松偃蓋。幽徑鹿爲羣。

枕畔琵琶月。窗前石鏡雲。清談傳茗飲。不用醉醺醺。  
送某之勢州

行行三百里。匹馬向南州。鈴鹿雲間路。琵琶月下舟。  
涼生關樹曉。望敞驛亭秋。羨爾奚囊裏。新詩賦勝遊。

送人歸鄉

客遊雖日淺。聲譽動皇京。忽見芳春盡。無何故國  
情。趨庭輕北學。作賦擬西征。返日朝霞色。軒軒滿赤  
城。

湖閣

閣高湖勢濶。天碧火雲收。水檻涼醒酒。風簾颯帶秋。  
山如屏裏畫。帆似鏡中浮。向晚波濤穩。汀邊欲放舟。

一谷

一谷行宮地。千年王氣閑。只餘荒艸色。不見翠華還。  
月暗須麻浦。雲過鐵拐山。漁舟何處叟。吹笛下前灣。

五言排律

十章社集得十灰

翰墨張佳宴。詩書擁上才。斐然諸子坐。忽爾壯懷開。  
摘藻寧無益。成章好自裁。賢元稱魯國。遊敢讓平臺。

縷。縷。堪。傾。酒。連。共。舉。杯。高。歌。知。和。寡。溫。吹。任。狂。催。  
此道人俱棄。千秋獨可哀。與君期爛醉。須向月中回。

七言律

三日道中憶熊府諸友

三日常年對故人。今年三日獨傷神。青山誤認曾遊  
色。碧水空思舊襖春。疲馬行遲芳草岸。渡舟爭就落  
花津。遙知熊府諸詞客。勝會臨流興更新。

客中早秋寄熊府諸友

江城秋早雁初飛。一別天涯嗟未歸。歲月動緣多病

過。綈袍久與故人違。疏黃海上風烟隔。玉筍關東音  
信稀。借問淮南招隱地。桂叢蕭瑟舊柴扉。

江都送屈參政取道岐蘇歸藩

關河遙指白雲隈。萬里征途從此開。驛樹花飛隨去  
旆。離歌曲罷引行杯。鵝湖飲馬春冰解。蜀棧振衣積  
翠來。休道岐蘇天下險。知君叱馭度崔嵬。

過士悌邸舍。先是士悌卧病。

城邊風雨絕囂譁。邸舍蕭然傲吏家。猶見病餘耽濁  
酒。那妨官暇著烏紗。臂懸彩縷千秋色。席映紅榴五



日花為是主人能醉客。不知身已滯天涯。

送西依子歸鄉

關西夫子動征衣。忽憶家林萬里歸。九國天低環海澗。三津風起片帆飛。盛名難避諸生望。久客何妨舊識稀。到日故園開宴處。紫荆花下醉春暉。

湖東林處士庭松著花。形狀異常。處士需詩。

賦贈

高標一夜五雲停。忽見奇花呈瑞靈。寫取美人彤管彩。奪將仙客玉漿馨。成蹊敢比栽桃李。避穀何勞覓

茯苓。為駐後凋春色好。不愁風雨促飄零。處士細君善畫。故第

三句及之。

題友人山居此與十林別不同

柴門寂寞傍雲開。十里行吟載酒來。游鹿閑閑穿徑竹。遷鶯故故轉牆梅。青苔階畔埋人跡。迸水牀邊洗客杯。壁上欲題新句去。貪看山色重徘徊。

和伯潛韻

迢遙雲樹繞廬微。白帽烏巾短褐衣。但為曳筇開竹徑。不緣迎客掃柴扉。牀移柳際聽鶯近。夢過花邊化

蝶飛。非解幽閑塵外趣。何知簪笏世情非。

八月十六夜。無動院賞月。即慈鎮上人舊趾。

上人和歌卓絕。其賞月佳句。多膾炙人口。因

悵然有感。

比巖峯頭一徑通。夜乘明月叩禪宮。上方臺殿藤蘿外。萬頃琵琶指掌中。水色全涵霄漢影。濤聲半入嶺松風。吾來欲廣高僧句。此興千秋恨不同。

和永明甫韻

短褐三年滯帝州。不才擣散共誰儔。作歌自愧巴人

調。結客難從鄴下遊。敢擬文章干氣象。但將杯酒解窮愁。君今□有新詩惠。却惜明珠向暗投。

擬初唐體

天門曉色促鸞鑣。主第春遊擁鳳簫。挂壁泉從銀漢落。窮源路接赤城遙。樹承御蓋多膏澤。花傍粧臺競冶妖。臨洛恍疑三島近。故教烏鵲架長橋。

送難波直夫歸省備前。且賀合登。

羨爾風流屬妙齡。倦遊歸去向闈庭。裁斑日麗靈椿樹。合登春生孔雀屏。鯉也已趨夫子座。鳳兮兼使美

人聽。荀家從是多嘉氣。象緯行添膝下星。

望海

九月陽侯怒未回。秋濤萬里雪山摧。旭光纔拂扶桑樹。海上遙連邪馬臺。山自仙鼇頭上湧。風從溟鳥翼邊來。吾今欲逐浮丘去。玉管銀璫安在哉。

將西歸。同諸子游少林精舍。呈大川上人。述留別之情。

迢遞匡廬出世氛。藤蘿四月正紛紛。茗傳雀舌清風起。漏刻蓮花靜晝分。幽徑莓苔經宿雨。上方鐘磬度

閒雲。不知此別千餘里。溪畔何時重謁君。

花月歌十首

月滿花開十萬家。長安花月故繁華。高樓共醉花前月。紫陌回迷月下花。春月光搖花更縟。煙花影暗月初斜。從來花月難俱遇。月嘯花歌興耐誇。

其二

皇澤洋洋花月春。花陰雨霽月明新。月臨花殿開珠箔。花映月宮引繡茵。月裡鳴珂花外散。花前綵仗月中陳。厭厭非是玩花月。花月同酬旣醉賓。

其三

上苑花盈月色幽。誰乘花月不宵遊。月迎珠履花成幕。花點錦茵月似鉤。月下賞花彈逸曲。花前看月酌忘憂。還悲月落花俱萎。終古安教花月留。

其四

帝鄉花月靄春煙。醉月迷花轉窅然。月照東山花杏縵。花籠西郭月嬋娟。月中誰子看花去。花下何人踏月旋。明月易傾花易散。花間對月嘆流年。

其五

自迷花月厭塵埃。唯看花間月去來。煙月升時花欲語。風花舞處月徘徊。新詩題月花生筆。綠酒酌花月滿杯。一醉傀俄花月下。花顏映月玉山頽。

其六

挑花歷亂月光清。獨宿何堪花月情。月滿花明悲寂寂。花吟月泣嘆嘒嘒。錦衾委月花彫落。塵鏡臨花月晦明。早晚合歡花月夜。看花弄月調銀箏。

其七

花月盈盈西復東。偏看月色豔花叢。月兼花影明春

水花帶月光映碧空。月影滴來花露重。花香翻處月光隴。嗟茲世事同花月。月有浮雲花有風。

其八

月衰花老二毛侵。世上誰知花月心。蝶夢迷花明月夕。雲芽煮月百花陰。思人月下襯花萼。迎客花間鼓月琴。花月年年不相負。月來花往慰幽襟。

其九

春花秋月苦經過。花月樓臺奈興何。笑月嬌花臨綠酒。媚花豔月照香羅。月中同奏飛花舞。花下俱吟明

月歌。醉倚珠欄弄花月。花枝簇處月光多。

其十

何樓花月不盈盈。花氣如煙月始晴。月影花香侵綺席。山花水月照春城。鳳笙吹月花間過。仙棹穿花月裏行。此夜仙郎花月下。梅花夢覺月三更。

五言絕句

孫康映雪圖。應田寔卿需。會談蘇州唱。朝讀萬卷書。夕讀萬卷書。唔吟聲不斷。夜雪映林居。

江都客舍作

半夜起彷徨。中心自如刺。大息治安時。不用治安策。

葉子玄見過

小齋容膝處。藍轡暫相停。賦就毫會彩。樽開眼即青。

同古伯彝游日沒里。里距都不遠。其地高朗

幽邃。有寺觀酒店。杳然一別乾坤矣。游人貪

覽。往往忘歸。以至日沒。因以名焉。余作四絕。

以述其概。

步步出風塵。拂衣興更發。醉臥茅店中。不知紅日沒。

其二

誰知遠公舍。蕭疎不引塵。時將香積飯。往往駐游人。

其三

秋菓大於拳。箇箇樹頭丹。村醪無下物。摘來令客餐。

其四

延眺百餘里。芙蓉日夕佳。愛斯幽勝地。可以結荆柴。

題便面應某侯需

坐接青雲色。歌翻白雪章。羨君為政日。彈琴不下堂。

偶作

大魚東海來。巨浪鬪鳴雷。誰知東海淺。無處潛鱗腮。

大魚使題王昭君抱琵琶對鏡圖應某需

寶鏡胡塵暗。琵琶漢月明。粧來誰復見。曲咽不成聲。

小督塚

失寵逃深草。鳴琴戀漢宮。荒陵明月夜。月夜聽松風。

盆蘭

不用莊生鼓。翻栽楚渚香。香風時一拂。霏霏欲滿堂。

青

百尺深潭水。千條垂柳春。眼知阮籍喜。羶辨子猷貧。

別諸君

丈夫千里別。臨歧豈沾巾。所望諸君子。歸來見日新。

赤石浦

舟過曉霧中。空濛不辨岸。前帆與後帆。咫尺相呼喚。

東山

東山行樂地。笙歌日日來。紛紛京洛子。無復謝安才。

七言絕句

須磨懷古

六龍曾駐古行宮。吊古千秋事已空。鐵拐峯頭雲似

旆。須磨浦口月如弓。

余到江都未決旬。送井大夫歸鄉。  
馬度金川曉色分。歸程遙指海西雲。何知千里纔為客。他席他鄉更送君。

寄書家兄。誤封空書。得復書始知其空書。賦以解嘲。

家書欲下字千行。一片愁心寫不成。空紙寄君君認取。無言孰若有言情。

和宇土侯游清源翁主山莊韻

園中艸木有光輝。幽處花開一徑微。欲待橋邊明月

孤

好。瓊筵便使羽觴飛。

花下送人樂野夏

樓邊桃李麗春暉。樓上離人淚滿衣。不見即今分手處。風花欲逐馬蹄飛。

洛陽道值雪

馳馬朝來向洛陽。紛紛飛雪撲遊繯。胡姬壚上回春色。疑是楊花滿店香。

矢口懷古

矢口江邊感慨多。將軍不利奈時何。即今亭長艤舟



處寂寂寒鴉渡夕波。

其二

荒涼祠廟古江汀。事逝舟沈屬杳冥。時托風雷堪一振。千秋猶爾動精靈。

席上呈葉子玄

避暑園亭送夕陽。階前樹色鬱蒼蒼。披襟不啻蘭臺快。滿座風生荀令香。

江都四時樂得夏

清江六月絕炎塵。輕棹乘涼綠柳津。艇上少姬腕如

玉。鑿刀膾得白銀鱗。

送人歸日出

十年飄泊客關東。此日殊恩有賜環。行矣梁園舊賓客。祇應授簡待君還。

過西依氏亭。有湖魚膾。因懷琵琶湖。

小舍蕭然薜荔幽。清風六月似涼秋。銀絲膾得湖魚美。□在琵琶水上樓。

同西依片山二子郊行。望比叡如意諸峯。

一百青錢掛杖頭。野亭賒酒愛清幽。坐來只覺衣裳

冷雨後千山翠欲流。

月夜舟下澱河

大江西指浪華城。一片輕帆掛月明。莫是豐王與霸地。蒹葭猶自激秦聲。

雄渾

高雄觀楓

梵王宮閣倚層空。萬木紅楓一徑通。昏黑上方行未到。鐘聲隔在彩雲中。

宛架高樓  
風光

將同諸君探梅伏陽雨。飲子翼亭得花字。

門外聊留下澤車。蕭蕭風雨撲窗斜。高吟只覺香生

口。不用江南更問花。

伏陽觀梅有懷伯潛拾落花數瓣贈之。小絕

一  
述情。

千樹梅花伏水濱。思君不見轉傷神。殷勤附與東風便。吹送江南一片花。

芳野懷古

絕壑層巒路不分。君王南狩避妖氛。實城寺畔花千樹。薄暮鐘聲下白雲。

送人歸琴浦

日落長江接海雲。輕帆縹緲下遙天。羨君琴浦徜徉處。六月薰風入五絃。

遊白河里

千山繚繞白河陰。繞到溪頭夕照沈。勿厭荒村無下物。雨餘空翠入杯深。

過伯潛

一庭修竹鬱玲瓏。避暑幽亭對阿戎。非是高談能引興。何因座上起清風。  
邊庭四時怨得春

憶昨從軍出帝畿。楊花如雪滿隄飛。可堪塞上春闌日。雪若揚花撲鐵衣。

遊差峽

萋萋芳艸雜春沙。短短桃花帶晚霞。非聽溪頭雞犬響。那知深處有人家。

送人歸播州

故山遙指海雲端。休道舟帆行路難。一夜春風吹不斷。飛過三十五長灘。

聞鴈

獨眠孤館月明中。萬里關山夢不通。枕上忽聞鴻鴈度。空將客淚灑秋風。

高臺寺見天竺花  
豐王臺殿跡空荒。此日登攀欲斷腸。莫是美人連袂處。秋花如錦映斜陽。

游西王寺  
蕭宮深處絕塵喧。薄暮空林秋雨翻。相見禪心無一事。只將棋局代玄言。

十四夜宴某氏宅

綠酒清尊金屈卮。華堂明月欲團時。相逢堪惜良讌會。明夜陰晴不可期。

平安留別

八月秋風欲別難。離亭分袂淚闌干。可堪澱水江頭月。一葉舟中獨夜看。

大里港開船

樓船簫鼓入濤聲。港口開帆海色晴。莫是楚王臺上快。雄風吹送浪華城。

古意

丹鳳城南夜夜秋。空房獨宿不堪愁。莫將紅頰千行淚。不及黃河萬里流。

明妃曲

一去中原不見家。曲終雙淚落琵琶。獨留沙漠千秋雪。稍似長安二月花。

宮人斜

姑蘇臺下波娥眉。今日雲飛異昔時。只有年年春色好。野花芳草使人悲。

堤上行

堤下春江映彩霞。堤頭兒女鬪繁華。相逢日暮還相約。揚柳青青是妾家。

九日送人

暫爾登高別恨新。龍鍾雙淚滿衣巾。明朝縱醉黃花酒。客路秋風惱殺人。

赤關夜泊

海色朦朧夜不分。舟中客思正紛紛。鐘聲忽破還家夢。數點漁燈隔渚雲。

門司懷古

門司海色接天開。彩鷁西飛竟不回。獨有風濤千古恨。到今猶怪鼓鼙哀。

阻雨泊鹿老渡

烟雨蕭條海色閑。舟中沽酒破愁顏。一聲款乃知何處。隔岸青青鹿老山。

八橋

垂楊映水水蒼茫。第八橋頭對夕陽。公子不歸春寂寂。洲前杜若爲誰香。

薩陞山望海

薩陞之山東海東。遙觀萬里入洪濛。飄然遺却人間世。身在彩雲縹渺中。

過法輪寺。是宮人小督彈琴處。

遺蹟蒼茫不可尋。蕭臺懷古此登臨。嵯峨南畔松林月。曾照佳人膝上琴。

橋邊柳

百尺長橋柳色分。春風二月亂紛紛。相逢莫是登仙客。寶馬香車度翠雲。

孤山先生遺稿卷之十三終  
 八共黨...  
 百只是...  
 ...

孤山先生遺稿卷之十四

肥後日知錄 數慈子厚著

數將泰記輯

凡鳥館集二

書牘

與井子叔

昔二陸弱冠游洛。張華一見大奇之。而二陸之名遂  
 蓋天下矣。夫二陸曠世奇才。尚且以張華顯。士之急

孤山遺稿 卷之十四  
於求知已。不亦宜哉。方今江都人文之隆。振古未有。而四方操觚之士。未嘗不比肩接武。而輻輳茲都焉。於是祭酒林公。以奕世儒範。進退士類。而其門下之選。無出井先生之右者。則士之求譽聞。孰有不冀幸先生之顧者邪。慙也。西藩鄙人。頗好讀書。然資性卑陋。所爲莫不拙。而文墨之事。乃拙中之拙。醜不可言。是以僕亦自安其拙。不肯復欲唐突諸君子之門也。今歲從寡君。始來江都。一日邸舍無所遣興。乃戲作一場百絕。亦唯漫口所成。非敢試其捷也。不圖先生

獲之秋子羽。而辱賜之一辭。稱揚之甚。使人汗顏無地。慙也。旣無二陸之才。而謬羨張華之顧。小人之榮。謂之何哉。伏惟先生汎愛之厚。尚能施及不肖如慙者。則其所以育賢才。獎俊彥。而贊成林公教化之功者。可得而知已。慙也。當速詣門下。而拜其賜。而近藩郵多故。不得外趨。怠慢之罪。以是之故。謹奉書辭。敢布區區。舊文一通。呈之楮右。亦唯拙中之拙。一覽之餘。幸勿以示人。不悉。

與帆足喬年



歲月如流。離索已一年餘矣。益嘆朽質腐材。斯業之不成。而積犬馬之齒也。僕比來爲外物所累。不能沈潛涵泳乎古聖之籍。而毫無所進。慚愧爲甚。想兄臺僑居無事。方伎之暇。澄心讀書。必有所得。優游之樂。其又如何哉。僕近有游洛之命。以來歲秋爲歸期。唯兄臺深交。不敢不告也。嗚呼。山海之修。歸期之久。無由相見。不能不重爲之長吁也。聞舊友江子章釋褐貴藩。僕甚狂喜。斯人推直所舊知。伏請兄臺轉成之。勿使子章獲罪貴藩。亦僕之幸也。奉寄一首。書之篋

頭并呈。情見詩中。

與岡千里

波斯胡天下之善辨玉者也。今夫切而磋之。熒然有光者。人皆知其爲玉也。然其在璞中也。黯然而無光。頑然類石者。非波斯胡莫之能辨也。是以天下抱璞者。必先就波斯胡。而其無價寶者。傳國者。連城者。照十二輛者。砥砭者。燕石者。波斯胡一顧品之。於是玉人攻之。莫不果如其言焉。豈唯玉有波斯胡哉。惟士亦然。赫赫入皇都。治化之洽民。千有餘載。文運之隆。於

今為盛。天下之士。扼腕集斯都。何止千萬。而先生獨以高齡宿望。巍然為後進標。是以士之抱器負才者。一無不冀先生之顧焉。則先生可不謂士之波斯胡也哉。愨西海鄙人。生二十四年矣。自幼好讀書。然材資罷鈍。加之僻邑乏良師友。乃其所進益。亦可以知已。今歲始遊皇都。謂輦轂之下。儻傑不乏。幸獲諸君子。以承下風。則其愚陋亦有以少瘳焉。此愨之所以不自揣而唐突門下也。雖然。愨非干價者。亦將得先生以自定燕石之資耳。舊文二道。呈諸左右。伏請

一鑒。

又

久不接函丈。尊況如何。比日雷雨驟作。少殺祝融氏之苛政矣。然繼之淫雨鬱蒸。使人更悶悶。愨歸期雖未卜日。然行色在迤。豫憶奉別。悵悒何堪。所託拙稿。尊序。伏請餘暇一揮見賜。愨西歸囊無一物。唯此貺足以光棍拙稿而誇鄉人也。枯魚一頭。口龍團兩甯。敢供左右。枯魚愨得之羽州人。羽州距此幾二千里。雖賤品不足下七。伏請以遠土物勿拒。幸甚。

報當舍修齋

別後寥寥。不奉一字。罪惟多矣。忽獲貴教。加之嘉魚。數頭。藉以白茅。慙也。朝蒸暮鹽。釜甑之塵。不掃旬日矣。獲此佳貺。呼兒煮之。以下濁酒。使人增憶江東。尊鱸之美。令卽汗血。風氣日上。子吶駸駸。相共爭衡。時來敝舍。講貫斯文。起予者不尠矣。所謂佗山之石。可以攻玉者。豈教之云乎哉。乃謝辭懇至。使人汗愧也。迺作一首。任筆錄呈。伏請郢斧。時徂暑尚烈。萬惟自玉。餘附令郎。

與當舍修齋

日先生之游洛也。僕輒爲塵冗所擾。不得屢奉謁。旣而塵冗少止。則先生翻然西歸矣。李將軍數奇哉。悵恨無已。想貴恙旣已去體。不知尊況如何。令郎字說。先已呈上。拙醜不文。聊以塞命已。伏請笑覽。賜之潤色。僕所寓館壁上。有顏題鳳字。蓋先於僕者所設已。僕因命曰凡鳥館。館無一物。壁立蕭然。陋亦至矣。今欲得先生一言。以光貴敝館。且誇賓客。伏請先生官暇。其能一揮大手筆。賜之一言。則其所以不朽於僕。

何以加之。伏請勿拒。島生歸鄉。謹以布陳。

答帆足喬年

得書不報。已經數月。今也歲月將改。逾年不報。負罪滋多。惕然裁報。敢謝遲臯。唯足下心知。幸勿深罪。承足下向遊長崎。乃以彼土所獲湖州筆二枝見贈。嗚呼。喬年愛我之切。乃至羈旅之間。亦不能相忘邪。再拜受賜。感激無已矣。夫長崎萬國之津也。而華航爲多。想雖其人皆商賈之賤。非士君子之流乎。亦足以觀夫流風餘俗矣。而况圖籍之富。寶貨之饒。海內無

比乎。是以僕之夢寐彼土。亦已多時矣。今聞足下之舉。爲是肉飛。不能自止。恨不攜手把袂。同遊乎其間也。不知足下果能觀所謂流風餘俗者邪。又果觀圖籍之富。寶貨之饒邪。又承足下四月以來。以君侯就封。不遑高卧。朝夕公廷。遊燕田獵。莫所不從。抑又君之薛居州也哉。想其補闕拾遺。所以格君心之非者。□□鮮鮮。庶幾一方之民。被足下之惠哉。謂我君不能。乃小人事君者。足下必不然矣。又承貴藩僻在。書籍之絕。以故平日所讀。不過四書五經小學。近思錄

袁氏綱鑑等書。足下欲博覽不得者。然僕則反謂此等書足矣。又何汲汲外求也。夫讀書同取友。取友不善。反損己德。讀書不擇。反傷己明。是故君子讀書。不患不博。而患不約矣。不患不多。而患不達矣。今夫聖賢之書。嚴師友也。一日不可廢也。歷代之書。多聞之友也。餘力可及也。異端曲流。損友也。決不可讀也。今足下所讀。嚴師友也。多聞之友也。苟能熟之。則於脩身何有。於從政何有。又何汲汲求汎損之友爲哉。僕好博覽。自幼涉獵諸子百家。未嘗潛心聖賢之書矣。

是以博雜無用。望洋自惑。讀書愈多。距道逾遠。學之不進。業之不就。職此之由。近來頗察其病。痛加鞭策。頗專心聖賢之書。然每遇珍書奇冊。舊病復作。不能守規約也。况洛下旣庶。書坊如林。汗牛充棟。何書不有。是猶對肉忍飢。臨泉忍渴也。終不可以抑裁焉。豫度歸鄉之後。閉戶謝客。專一用力。聖賢之書數十年。可以少救汎濫外馳之弊焉。今也聞足下所患。反以爲喜者。爲此之故也。伏冀足下。能讀此等書。反覆涵泳。加以歲月之久。則又何患不詣聖賢之域也。不知

足下以爲如何。又承足下有游洛之志。極佳。請足下早請君父。以來春決之。僕游洛已久。凡百畧定。雖不足爲東道。亦能爲足下周旋耳。夫然後相共講道洛水之澁焉。餘間上比叡。泛琵琶。以逍遙山水幽勝之間。不亦樂乎。衡山帖一本。承命附上。不知中意否。拙文向已寄之秋文學甲處士所。今不遑淨寫錄呈。足下其求之二子可。不乙。

與澤子紳

向約伏陽探梅之游。以足下爲先容矣。比日輕暖襲

人。東閣詩興。爲之勃勃。不知江南已有驛使來否。古人云。花開多風雨。伏請足下周旋。莫使吾輩不能續羅浮山下之夢。

復澤子紳

審尊嚴貴恙去體。豈啻足下。我心則降。唯時秋熱未祛。候氣不順。顧在足下留心調護耳。拙文及伯潛文。承命呈上。伯潛文別無錄本。一覽之後。伏請見返。如拙文則祝融覆醬唯命。

與長鹽秀才

孫山遺稿 卷之十四 八  
客歲賜書。闕然不報。一周歲矣。獲罪多矣。迺披其書。反覆讀之。乃屬辭翩翩。益見日新。足下妙齡。乃能如此。所期深矣。勉旃。唯稱呼之體。有可議者。敢告。夫足下於僕。表兄之子也。表兄之子。爲之表姪。則足下宜稱僕以內叔也。足下反以爲內兄者何。且內兄。兄行也。故表弟之於內兄。視之猶兄。稱呼必敬。禮也。足下旣謬僕爲內兄。則亦宜行以表弟之禮也。而足下書辭傲倨。如用於友朋者。無乃闕禮敬之道邪。且足下弱齡。未及成童。則其於長者。雖非父兄。亦宜謙讓下。

之以盡其敬已。則德之歸也無日矣。雖然。僕敢以此怒足下者。但恐足下昧乎典禮。而或失敬於長者也。唯足下至親同好。不敢不告。足下其又質之子友可。

答中島子吶

貴教云。沍寒墮指。不知足下之指已墮否。何以能書也。古人云。有舌卽足。則三寸不爛。無指亦可。一噓。今宵之會。敬聞命矣。

又

畏室說遲緩旬日。奈何秋日之日尚可畏也。爲思其

說。又生一畏。古云。畏首畏尾。身其餘幾。於是下筆。決不能佳。稍待秋。少退。涼颼可人。而上樓引梯。望西山。爽氣。藻思如湧。筆翰如飛。一揮成之。未晚也。足下姑待諸。

與河伯潛

今之靈山。勝於古之靈山也。擊潑潑之鮮。傾醺醺之酒。此香積如來之所未供也。託縵縵之音。發靡靡之樂。此妙音菩薩之所未調也。况低栢如金。徒笑長者費財。飛花如雪。何煩天女勞軀。墨山長老傳衣鉢之

意久矣。將以廿四日午前行一大法會。而以諸君充衆尊者。僕愚癡亦將從煩特之後。伏請足下出大知慧來。受其正法眼藏而可。

又

僕昨夜燈下讀三國志。至曹操謂劉備曰。天下英雄。唯我與使君耳。乃自疑曰。天下之廣。人民之衆。何其英雄之少也。掩卷而起。出步中庭。仰望蒼天。則衆星粲然。而數其煌煌者。僅指之足屈耳。迺復自信曰。蒼天之大。不啻天下。衆星之衆。不啻人民。而其煌煌者。



亦若彼塵塵。則知曹瞞之不我瞞也。因泫然淚下。四顧無可語者。坐以待旦。急書告足下。

又

僕與足下交三年。需之詩若文。足下則隨手構成。需之印章。足下則隨手篆刻。未嘗視其有勞煩之色。顧足下雖才思有餘。巧技天成。安得無不筆爲之渴。刀爲之缺乎。茲得華墨二笏。謹以呈上。聊供文具。豈謂報之哉。僕有一事。謀之伯潛。僕欲得尊嚴書久矣。然僕謂向已奉託拙稿弁言。重勞長者。罪戾實多。縱使

尊嚴寬厚。不拒。得無望蜀無厭之責哉。爲之逡巡。不敢請乞。然僕歸期已逼。今而不言。何日言之。乃以華紙數葉。寄之足下。請足下置之尊嚴榻邊。不言其所自來。俟其漫筆捨去。足下收之。以賜之僕。僕之爲幸。何以過之。使僕不得重戾。反得重貨。亦唯在足下周旋耳。伏請。

答西谷士箋

未接光儀。先得瑤音。薰拜披讀。如奉清揚。推與之深。情誼之厚。懇懇併臻。感激何堪。承足下近寓目拙文。

曾子泉所。迺拊髀稱善。遂屈高節。求交愚陋。慙也。海西鄙人。何以獲此寵足下哉。亦唯足下謙讓求道之無方。乃不暇擇其友邪。不然何爲輕信一紙之文。而求交於道塗之人邪。雖然。慙讀賜書。竊知足下猶介高操。非輕許人者也。則足下之於僕。其亦得無非來諭所謂氣求類從不期而然者也邪。僕亦喜得足下焉。所賦短牘。尚見穎鋒。况其長篇大文。益出益奇者邪。况親目其貌而耳其言邪。伏請螢雪之餘。惠然臨顧。勿使壁上之榻久委塵埃也。

與萱考澗

丁丑春。慙始赴江都。途經浪華。乃始接光儀。以暢鬱陶。奈何公事無盪。不能信宿以飽德也。倉卒告別。悵恨無已。客歲奉命游洛。謂洛距浪華。不甚相遠。舟而下一夕可達。其必頻頻往來。以受慈誨。且可以尋先子通家之好。奈何游洛以來。輒爲旅瑣所擾。加以先子遺文未上梓。校訂錄寫。唯日不足。遂致斯闕。然者一年所。欺心失敬。罪復何言。所恃獨先生寬厚。不忌先子之好。其或不忍輕絕交不肖之子也。今也旅瑣





孫山遺稿 卷之十四 十四  
怪書中諭近藩人流說。慙浮躁不慎于口。輕誹議時  
政人物。不如家兄謹厚。出言不苟也。足下不以行誦  
塗說。舉以規慙。辭氣諄諄。溢于紙表。自非足下愛我  
之切。望我之深。孰能及之。感激感激。慙資質不及中  
人。嗜欲之深。於人爲甚。而其爲尤難制者。在飲食與  
言語耳。夫食入于口。不節傷體。言出于口。不慎傷德。  
均由于口。而所傷不同。雖然。食之所傷。猶之可。苟不  
慎言語。豈啻傷德。小之則喪身。大之則餘毒及  
人。其所傷害莫甚焉。縱使其言果能不乖理違道乎。

躬之不逮。唯口之給。凶禍之道也。可不慎哉。易頤象  
曰。君子以節飲食。慎言語。夫節飲食。所以養體也。慎  
言語。所以蓄德也。體健則氣充。德成則學進。君子之  
所以頤也。慙客歲以來自省。乃覺此二病於身尤切。  
是以其於飲食。痛加節制。而其於言語。則雖深懲治  
之。而舊性未改。動輒高論大言。屢憎於人。茲獲貴誨。  
益知所以來譏者。非徒然也。詩云。中心藏之。何日忘  
之。慙當書紳服膺。終身誦之耳。多謝多謝。節飲食一  
事。非足下所示教。而今及此者。此僕近來功夫用力

者聊以奉告耳。嗚呼子友。歲月崢嶸。雨雪浮浮。瞻望天涯。不堪悵然。不宣。

與李子友

客歲分手時。垂楊慘慘。飛花寂寂。今而憶之。恍猶昨日。忽已一年矣。異鄉風物。其不傷心哉。以僕傷心。亦知足下傷心。不知故鄉春色如何。想足下登高探勝。如舊日也。僕近蒙命。今歲游學。京師以來。歲秋爲瓜期。敢告離索之久。又添一年。僕之傷心。又何如哉。以僕傷心。亦知足下傷心。遞夫急發。不能細示。萬惟

見察。

與長明甫

日者始見足下於邨上氏也。足下示以所作和歌。僕心旣奇其才。然竊謂和歌小道也已。惜乎斯人而有斯癖。何其自斲而小之也。繼而見足下也。乃復見所畫筵面與所彫印章。僕心益奇其才。而益惜其拘拘乎小道矣。今也得足下之詩。斂衽誦之。則羽翼已成。翩然欲飛者也。僕迺蹶然興曰。才果奇矣。何其益出而益奇也。雖然。泝此而上。有不朽之業。有經世之道。

顧足下之才之奇。其又益出而益奇也。僕雖不敏。願與聞焉。

與僧獨秀

疇昔之遊樂哉。三人邂逅。相見而笑。棋以代談。不知日之夕矣。使吾二人得浮生半日閒者。上人之惠哉。上人之惠哉。僕席上腹稿一詩。唯以局上劫亦急。不暇推敲。歸途苦吟。僅得成篇。謹此錄上。兼謝厚意。面壁之餘。賜覽幸甚。

孤山先生遺稿卷之十四終

